



OS KYRKJEGARD er den eldste gravplassen i Os sokn, og den er sentralt plassert ved Os kyrkje. Foto: Knut Revne.

VEDTEKTER

for gravplassane i Bjørnafjorden kommune



Det har vore arbeidd grundig med å få på plass nye vedtekter for alle gravplassane i Bjørnafjorden. Desse er vedtekne av Bjørnafjorden kyrkjelege fellesnemnd den 5. juni 2019, og dei vart godkjende av Bjørgvin

bispedømeråd i brev datert 26. juni 2019. Etter forvaltningslova § 2c er gravplassvedtektene å sjå på som forskrift, og skal difor kunnngjerast. Dei vart kunnngjort i Os- og Fusaposten den 8. oktober 2019.

§ 1 Forvaltning

Gravplassane i Bjørnafjorden kommune er underlagt Bjørnafjorden kyrkjelege fellesråd sitt administrasjons- og ansvarsområde.

§ 2 Definisjonar

- **FRIGRAV:** Grav som gravplassforvaltninga har tildelt ein avliden person frå kommunen som det ikkje vert betalt festeavgift for i fredningstida.
- **FESTEGRAV:** Grav der det er inngått avtale om bruk mot betaling av avgift.
- **FESTA GRAVSTAD:** Fleire kiste-graver som er festa saman.
- **URNEGRAV:** Grav til askeurne med plass til fire urner, jfr. gravferdsforskrifta § 14. Dette gjeld ikkje § 8 *Namna minnelund* der det med urnegrav er meint ei grav med plass til ei urne.
- **KISTEGRAV:** Grav som ivaretek gravferdsforskrifta sit krav om storleik for gravlegging av kister. I ei kiste-grav kan det også setjast ned urner.
- **FREDNINGSTID:** Tidsrom frå siste gravlegging til grava kan brukast att til ny gravlegging.
- **FESTETID:** Tidsperiode det er avtala å feste ei grav.
- **ANSVARLEG:** Den som er ansvarleg for fri grav.
- **FESTAR:** Den som står som part i ein festeavtale.
- **NAMNA MINNELUND:** Gravfelt med felles minnesmerke med namn og data på dei som er gravlagde der.

§ 3 Ferdsl på gravplassane

Besøkande skal så langt som mogleg ferdast gåande, jfr gravferdsforskrifta § 9. Gravplassforvaltninga kan etter søknad gje løyve til bruk av køyretøy ved dokumentert sjukdom eller rørslehemming. All køyring må skje ekstra omsynsfullt.

§ 4 Rett til fri grav

Personar busett i Bjørnafjorden kommune har rett til frigrav.

Avlidne personar i kommunen kan gravleggjast på den gravplassen i kommunen som ein måtte ønskje og som er i bruk.



NORDTVEIT GRAVPLASS I SØRE FUSA

Denne gravplassen er på det næraste full. Der er nokre reserverte graver. Elles er det høve til berre å setje ned urner på Nordtveit.



HJARTNES GRAVPLASS I SØRE FUSA

Gravplassen er vakkert plassert ved sjøen. Gravplassen har vore i aktiv bruk tilbake til seint på 1800-talet.

Avlidne personar som på grunn av sjukdom har budd i ein annan kommune mot slutten av livet er å sjå på på same måte som kommunen sine egne innbyggjarar, og har rett på fri grav om det vert tilvist.


Gravplassforvaltninga kan etter søknad tilvise urnegrav til personar utan bustad i Bjørnafjorden mot betaling

etter gjeldande satsar for gravlegging og feste av grav, vedtekne av fellesrådet. I Fusa sokn gjeld tilbodet om urnegrav på Fusa kyrkjegard – vest. I Fusa sokn kan ein og tilvise kiste – og urnegrav for personar utan bustad i soknet mot betaling for gravlegging og feste av grav, etter gjeldande satsar. Dette gjeld for personar som har vakse opp i tidlegare Fusa kommune



KUVENTRÆ GRAVPLASS

Den er den nyaste gravplassen i kommunen. Her har Bjørnafjorden kyrkjelege fellesråd tilbod om namna minnelund.



FUSA GRAVPLASS – AUST

Denne gravplassen ligg om lag 300 meter frå Fusa kyrkje. Den er no i bruk berre ved reserverte graver og gjenbruk av festegraver.

eller har budd der i delar av sitt liv, og vedkomande sin nære familie. Som nær familie meiner ein her ektefelle/sambuar og born.

Frigrav/frigrav med festegrav (gravstad) vert tilvist etter bruksplan for den einskilde gravplass.

§ 5 Fredningstid og festetid.

Fredningstider for kistegraver og urnegraver er 20 år.

Fellesrådet kan vedta lengre fredningstid for einskilde graver eller felt når erfaring om nedbryting ikkje skjer tilfredstillande. Fellesrådet kan og sette vilkår at gjenbruk av einskildgraver eller gravfelt berre kan nyttast som urnegrav. Festar skal varslast skriftleg og så tidleg som mogeleg når slike vedtak må gjerast.

§ 6 Feste av grav

Når kistegrav vert teke i bruk, er det høve til å feste ei grav ved sida for ein periode på 20 år med høve til forlenging. Etter søknad til gravplassforvaltninga kan ein tildele ekstra grav når behovet tilseier det. Desse gravene utgjer ein gravstad.

Ved bruk av særskilt urnegrav kan det ikkje festast ei grav ved sidan av.

Når festetida er ute, kan gravstaden fornyast for 5 år av gongen.

Når det er gått 60 år etter siste gravlegging, kan festet ikkje fornyast utan samtykkje frå gravplassforvaltninga.

I god tid før festetida er ute skal festaren varslast. Viss festet ikkje er fornya innan seks månadar etter forfall, fell grava eller gravstaden attende til gravplassen.

Innbetalt festeavgift vert betalt attende berre om attendebetaling følgjer bindande rettsreglar eller det ligg føre særlege grunnar.

Ingen kan gravleggjast i festa gravstad utan samtykke frå festaren. Dersom festaren sitt samtykke ikkje kan hen-

tast inn, kan gravplassforvaltninga av-
gjere spørsmålet om gravlegging.

Festaren pliktar å melde frå om
adresseendring.

§ 7 Grav og gravminne

Ved opning av grav, kan jordmassar
mellombels plasserast på omkringlig-
gjande graver og gravminne flyttast.
Gravplassforvaltninga har ansvaret
for istandsetting att og vil sjå til at
grava vert planert og tilsådd med gras
etter gravlegging.

Montering av gravminne kan først
skje etter at gravplassforvaltninga har
godkjent gravminnet og merka sta-
den der det skal stå. Det kan setjast
opp eit gravminne på kvar gravstad.

Gravminne kan monterast tidlegast 6
månader etter gravlegging. Gravmin-
ne på urnegrav kan setjast opp med
det same etter urnenedsetjinga.

På ny festa gravstad plasserast grav-
minnet i bakkant av den grava som er
teken i bruk og vert ståande der for
godt.



FUSA GRAVPLASS – VEST

Gravplassen ligg ved kyrkja. Her finn vi det eldste gravminnet i Fusa sokn
(og kanskje Bjørnafjorden) som står på reell grav, frå 18??



NORE NESET KYRKJEGARD

Denne kyrkjegarden ligg ved Nore Neset kyrkje.

Gravminne, steinfliser, fastmonterte
dekorgjenstandar, fundament eller
sokkel reknast som del av gravminnet
og skal godkjennast av gravplassfor-
valtninga.

Bilde av gravlagt montert på gravmin-
ne må ikkje vere større enn 9 x 12
cm.

§ 8 Plantefelt

Framfor gravminnet kan det oppar-
beidast eit plantefelt i høgd med bak-
ken ikring.

Plantefeltet kan ikkje vere breiare
enn gravminnet, men likevel opp til
60 cm. Det kan ikkje stikke lenger
fram enn 60 cm målt frå bakkant av
gravminnet. Lause dekorgjenstandar
og plantar må ikkje overstige grav-
minne eller gå utover bedet.

Dekorgjenstandar må ikkje virke
støytande overfor andre besøkan-
de eller vere til hinder eller fare for
drifta av gravplassen.

Plantefeltet kan rammast inn med 3
rette steinflisar som fluktar med bak-
ken ikring.

Det kan ikkje monterast dekor, lyk-
tar, vasar el liknande på steinflisene.

Steinflisene må tåle belastning av
gravplassen sine vanlege maskinar.

Dersom det ikkje er aktuelt med
plantefelt skal det vere grasbakke på
alle sider av gravminnet.

Det er ikkje høve til å ramme inn
grava med hekk eller døde materiale.

§ 9 Særbestemmelser:

- På Nordtveit kyrkjegard er det ikkje høve til oppattgraving for kistegraver, men det er høve til å setje ned urner.
- På Hålandsdal kyrkjegard, felt B og C, er det ikkje høve til oppattgraving av kistegraver, men det er høve til å setje ned urner.
- På Holdhus kyrkjegard er det høve til berre urnegraver, og løyve gjeld for dei familieane som har gjeve grunn til gravplassen.
- På Os kyrkjegard er nokre felt eller deler av felt definert som urnegraver
- På Kuventræ er det namna minnelund for urnegraver.



STRANDVIK KYRKJEGARD

Den ligg rett ved sidan av kyrkja. På denne kyrkjegarden har ein og ein gravminnelund – der ein har tatt vare på ein del eldre gravminne – ut frå gravminnet sin art, slektsnamn som ikkje finst lenger og som syngleggjorde gamle kommunikasjonsmønstre i dåverande kommune Strandvik. Kyrkjegarden vert no nytta berre ved reserverte graver og eldre festegraver som blir brukt på nytt.

- På Kuventræ er det nokre urnegraver der det berre kan setjast opp skilt
- På Kuventræ har nytt urnefelt T følgjande reglar:

1. Gravminne skal vere i stein og ha mål: breidde 50 cm, høgd 60 cm og tjukkelse: 12 cm
2. I område frå topp og 15 cm ned kan det vere symbol el bilete.



AAKRE GRAVPLASS

Den ligg midt i Strandvik-bygda og om lag 200 meter frå Strandvik kyrkje. Det er denne gravplassen i Strandvik som er i aktiv bruk i dag.

3. Tekst på avlidne skal føres på i høgd 40 cm frå botn.
4. Evt fleire namn 10/20/30 cm under første inskripsjon
5. Plantefelt kan ikkje ramast inn og kan vere i breidde til gravminne og stikke 60 cm fram målt frå bakkant av gravminne.
6. Evt lykt skal stå på eigen stein i plantefelt

§ 10 Plantemateriale

Plantar, kransar o.l. som blir brukt ved gravferd eller pynting av grav og som ender som avfall, skal vere heilt komposterbare.

§ 11 Stell av grav

Alle som er ansvarleg for ei frigrav eller er gravfestar har rett og plikt til å stelle grava vedkomande har ansvar for. Plantefelt som det ikkje vert planta på eller stelt skal såast til av den ansvarlege for grava, eller gjere avtale med gravplassforvaltninga om at det vert sådd til.

Ansvarleg for grav eller festar pliktar seg til å halde gravminnet sikra og i forsvarleg stand.

Ansvarleg for grav eller festar kan inngå avtale om at gravplassforvaltninga, og den som får løyve til det etter § 14, kan utføre planting og stell av grav. Ein slik avtale frittek ikkje den ansvarlege eller festar for ansvar vedkomande har etter den til ei kvar til gjeldande reglar.

Etablerte førehandsbetalte avtalar om stell vidareførast på dei vilkår som var ved oppretting.

§ 12 Namna minnelund

Ved gravlegging i namna minnelund for urnegraver vert namn og data til avlidne ført på ei namneplate på felles minnesmerke.

Graver i namna minnelund kan festast på lik linje med andre graver på gravplassen. I namna minnelund kan det festast ei grav ved sidan av. Ved feste av grav ved sidan av vert det betalt festeavgift frå det tidspunktet den



HOLDHUS KYRKJEGARD

Den ligg ved Holdhus gamle kyrkje, og kyrkjegarden er det berre etterkommarar av dei som avga grunn til gravplassen som får høve til å bruke – og då til urner.

første grava vert teken i bruk. Ved feste av grav ved sidan av i namna minnelund vil ikkje nødvendigvis gravene kome ved sidan av kvarandre, men namneplatene.

Gravplassforvaltninga har ansvar for felles planting og stell i minnelunden. Det er ikkje høve til å opparbeide eige plantefelt for grav i minnelund. Det kan leggjast ned blomar og gravlys kan tennast, så lenge det er innanfor gjeldande reglar om brannvern, og på stad tilvist av fellesrådet.

§ 13 Bårerom

Gravplassforvaltninga disponerer bårerom. Slike rom skal berre nyttast til å ta vare på avlidne som er død i Bjørnafjorden og/eller skal gravleggjast i gravplass i Bjørnafjorden i tida fram til gravferda.



HÅLANDDALEN KYRKJEGARD

Kyrkjegarden ligg ved sidan av kyrkja og har vore i bruk sia kyrkja vart bygd i 1891.



SÆVAREID KYRKJEGARD

Kyrkjegarden ligg ved kapellet og vart tatt i bruk på 1950-talet – på den tida kapellet vart bygd.



BALDERSHEIM GRAVPLASS

Baldersheim gravplass har ei noko særigen, men flott plassering, oppe i høgda ovanfor sjølve bygda. Den vart tatt i bruk i 1941. Der vart bygd eit kapell på gravplassen kring 1940. Dette har i mange år vore nytta som eit reiskapshus. Bygda sjølv har bygd eit nytt reiskapshus og pussa opp og innreia kapellet.

Ingen har tilgjenge utan etter løyve. Liksyning kan berre gjerast etter samtykkje frå den som syter for gravferda og vedkjem ikkje dei tilsette.

§ 14 Næringsverksemd

Næringsdrivande som ønskjer å drive verksemd på gravplassen skal hente inn løyve frå gravplassforvaltninga. Løyvet kan inndragast om vedkomande ikkje rettar seg etter dei reglane som til ei kvar tid gjeld.

Slik verksemd kan berre omfatte montering, sikring og vedlikehald av gravminne, og planting og stell av graver.

Tilsette av fellesrådet kan ikkje mot godtgjersle utføre tenester for private eller næringsdrivande. Dei kan heller ikkje engasjere seg i sal av varer eller tenester som har med gravplassen å gjere.

§ 15 Arbeid på gravplassane

Anleggs- og vedlikehaldsarbeid skal skje kvardagar i tida 07.00-18.00.

Arbeid skal ikkje utførast på sundagar, heilagdagane, og offentlege høgtidsdagane. Ikkje noko arbeid på gravplassen må vere til sjenanse for seremoniar eller rituelle handlingar på gravplass eller bygning på gravplass. Næringsdrivande kan køyre på gravplassen berre i den grad det er nødvendig for å utføre arbeidet. Slik køyring skal skje ekstra omsynsfullt.

§ 16 Brot på vedtektene

Dersom vedtektene ikkje vert følgde, kan gravplassforvaltninga setje i verk naudsynte tiltak for ansvarleg/festar si rekning.

§ 17 Dispensasjon frå vedtektene

I særlege tilfelle og innanfor ramma av gravferdslova og gjeldande forskrifter kan gravplassforvaltninga dispensere frå §§ 6, 3. ledd, 7, 5. ledd, 13, 1. ledd og 15, 1. ledd.